



Uunga
Inatsisartunut ilaasortaq
Aqqaluk Heilmann
Atassut

Inuup toqukkut qimagussimasup timaanik assartuisarneq pillugu § 37 naapertorlugu apeqqutinut (40-2019) akissutit

30-01-2019
Sulliap nr. 2019 - 1751
Akt. id. 9850850

Asasara Aqqaluk Heilmann

Inuup toqukkut qimagussimasup timaanik assartuisarneq pillugu apeqqutinnut
qujanaq.

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat
(+299) 34 66 66
E-mail: ian@nanoq.gl
www.naalakkersuisut.gl

Naalakkersuisunut apeqqutigisatit:

1. Najugartik qimallugu nakorsiarsimasut toqukkut qimagussimasut ilaqutaasa angerlaallugu ilisaanissaa kissaatigippassuk, periarfissaqarpat toqukkut qimagussimasup timaata angallanneranut taperneqarnissaminnut akiliunneqarnissaminnulluunniit?

Ilisinernut aningaasartuutit aallaaviatigut nammineq isumagineqartartussaapput.
Innuttaasut Pisortanit ikiorsiissutit pillugit Inatsisartut peqqussutaat nr. 15, 20.
november 2006-imeersoq malillugu ilisinernut aningaasartuutitut naleqquttunut
matussutissani pisortanit ikiorserneqarnissamik periarfissaqarpoq. Aningaasartuutit
pigisani akilerneqarsinnaasimanngippata toqusullu piumasaqaatit Inatsisartut
peqqussutaani § 4-mi imm. 1 naammassisimappagu tamanna periarfissaavoq.
Innuttaasup pineqartup toqukkut qimagussimasup Kalaallit Nunaanni
najugaqartuunissaa, inuit allattorsimaffiannut nalunaarsimanissaa danskillu
naalagaaffiani innuttaanissaa piumasaqaataapput.

Aalajangersagaq atorneqartassaaq qanigisat aningaasartuutit
akiliisinaannngikkaangata aammalu pigisat nalingisa aningaasartuutit
matussusersinnaannngikkaangatigit.

S.I.K ilaatigut illerfinnik angerlaassinissaq pillugu tapiiffiqineqarnissamut
qinnuteqarfigineqarsinnaasumik isumaginninnermut aningaasaateqarfeqarnera
eqqaaneqarsinnaavoq. S.I.K.-p nittartakkamini ilisimatitsissutigaa,
isumaginninnermut aningaasaateqarfeqarnissamik suliffeqarfinni
isumaqatigiissuteqarfigisani sulisuugaanni tapiiffiqineqarnissamik qinnuteqarnissaq
periarfissaasoq. Matumani KNI, Royal Greenland, Polar Raajat, Upernavik Seafood,
Sulisitsisut, Nuuk Imeq aamma Namminersorlutik Oqartussat pineqarput.

Apeqqut taanna akiniarlugu naalakkersuisoqarfik Peqqissutsimut
Naalakkersuisoqarfirmut paasissutissanik piniarsimavoq. Peqqissutsimut
Naalakkersuisoqarfik imatut akissuteqarpoq:

Inuup toqukkut qimaguttup timaanik assartuineq pillugu peqqinnissaqarfiup
pisussaaffigisai ilitsersuummi 8. marts 1999-imeersumi 45.72.01-imik
journalnormoqartumi allassimapput, tassani ilaatigut allassimavoq "Inuup toqusimasup
timaanik assartuinnermut tunngatillugu peqqinnissaqarfiup pisussaaffigisai
toqungasunik misissuisarneq pillugu Kalaallit Nunaannut peqqussummi

piumasaqaatigineqartunit killilerneqarpoq". Pisussaaffigisat aamma "pisuni imaattuni" killilerneqarput: "toqusoq kommunimi najugaqarfigisami avataani peqqinnissaqarfimmi nakorsamit misissorneqareersimappat."

Aningaasartuutit akilernissaannut tunngatillugu ilitsersuummi ima allassimavoq, "assartuinermit aningaasartuutiniq matussusiiniarneq eqqarsaatigalugu ilaasumut issiasumut akigitinneqartumut aningaasartuutit saniatigut aningaasartuutit [allat tamarmik] toqusup timaanik assartuinermit tunngasut peqqinnissaqarfiup susassarinnigilai. (...) Illerfinnut allanullu aningaasartuutit pigisanit akilerneqassapput..."

Assartuinermit aningaasartuutiniq matussusiiniarnermi timmisartumi ilaasumut issiasumut nalinginnaasumik akigitinneqartoq (bilitsi allanngortinneqarsinnaasoq) Peqqinnissaqarfimmit utertinneqartarpoq.

2. Toqukkut qimagussimasut timaasa angerlaanneqartarnerinut ukiumut aningaasartuutit qanoq annertutigisinnaaneri missingersorneqarsinnaappata qanoq annertutigippat?

Apeqqut taanna akiniarlugu naalackersuisoqarfik Peqqissutsimut Naalackersuisoqarfimmut paasisutissanik piniarsimavoq.

Kommunip najugarivitap avataani toqusimasup angerlaannissaa pillugu Kalaallit Nunaanni peqqinnissaqarfik maannakkut isumaginnittannginnera Naalackersuisoqarfiup ilisimatitsissutigaa. Kalaallit Nunaata iluani aamma Kalaallit Nunaata nunallu allat akornanni toqusimasup timaanik assartuinerit ukiumut 20–30-t pisarput.

2017-imi § 37 naapertorlugu apeqqummut nr. 41-mut akissuteqartoqarpoq, tassani akissuteqarnermi Danmarkimit Kalaallit Nunaannut toqusimasup timaanik assartuinermit atatillugu aningaasartuutit missingerneqarneri ilisimatitsissutigineqarput. Zinkinik illerfinnik angerlaassinermit aki UPA 2017-imi imm. 33-mut akissuteqaammi aamma ilisimatitsissutigineqarpoq. Kalaallit Nunaata iluani toqusimasup timaanik assartuinermit tunngatillugu naatsorsuisoqarsimangilaq.

Inussiarnersumik inuulluaqqusillunga


Martha Abelsen